

D. D.

39

DISSERTATIO ACADEMICA,
DE
**BENEDICTIONE
DIVINA ISCHMAËLI
DATA,**

QUAM

Consens. Ampliss. Facult. Philos. in Reg. Acad. Aboensi,
PRÆSIDE,

MAXIME REVERENDO & CELEBERRIMO VIRO,

**D.N. CAROLO ABRAH.
CLEWBERG,**

L. L. O. O. & Græc. PROFESS. Reg. & Ord.

PRO LAUREA,

Ad Publicum Examen Modeste Defert

GEORGIUS N. MATHESIUS,

OSTROBOTNIENSIS.

In Audit. Majori Die XXII. Jul. Anni MDCCCLVII.
H. A. M. S.

ABOÆ, Impressit DIRECT. & Typogr. Reg. Mag. Duc.
Finland, JACOB MERCKELL.

DISSERTATIO ACADEMICA
BENEDICTIONE
DIVINAE SCHOLÆ
DATA
PRÆSIDI
D. GABRIELO ABRAHAM
CERBERUS
PRO TUTORIA
GEORGES DE MATHIAS

1700. PARISIENSIS IMPR. ET LIBR. DE T. DE LA ROCHE
H. PHILIPPE, 1700. MERCIER.



I. N. I.

§. I.



Cripturæ Sacræ, Divinam qui negant originem, vel ignorantiam Sacrarum & Profanarum litterarum quam maxime produnt, vel sanam se non sequi rationem ostendunt: etenim innumera fere adsunt testimonia, quæ manum Omnipotentis evidenter arguunt: adeo ut nemo, vel minimum hoc secum reputans, illam veritatem in dubium vocare queat. Horum in numero, vaticinia Divina, quæ in Sacris sæpiissime occurrunt Litteris, primas tenere partes, nulli dubitamus, Lueulentissime enim hæc nobis palam faciunt, hunc Librum Sacrum, DEi Ter Optimi Maximi, Sapientissimi rerum Moderatoris instinctu, litteris fuisse consignatum. Tanta namque scripta sunt certitudine, ut

A

jam

jam ante perplurima temporis intervalla, prædicere queant, quid in posterum eveniat, tam in Statu Ecclesiastico, quam Politico & Oeconomico. En illustre testimonium, Divina hæc esse probans. Exemplum istiusmodi vaticiniorum, ad minima usque completorum, suppeditat nobis Benedictio Divina Iisch-maëli data, de qua Dissertatione hacce Academica agere, haud indignum esse putavi. Ingenue tamen fateor, laborem hunc, vires meas longe superare; cum vero ea sit argumenti præstantia, ut illud rite explicatum, haud parum faciat, ad confirmandam Sacræ Scripturæ Divinam originem, spem foveo certissimam, Te, Candide Lector, conatus mei mitiorem futurum interpretem, Teque ea, quæ tenuis mea Minerva, in medium proferre potuerit, benigne suscepturnum.

§. II

Hagar Abrami ancilla, Saræ suasu, ejusdem uxoris & ex hero gravida facta, Dominam contemtui habere, ipsique debitum obsequium subtrahere fuit ausa. Quod dum ægre ferret Sarai, &, ea de causa, cum marito expostularet; is, quo iracundiam ejus leniret, pro lubitu, puniendam concessit uxori. Hæc, iræ nimis indulgens, ut ad solitam obedientiam revocaret, & in ordinem cogeret, servam plus æquo pressit, duriusque tractavit. Huc pertinet phrasis Hebræa הַנָּה *afflxit eam*; nam verbum הַנָּה de graviori afflictione, qua in servos Israëlitas durissime sæviebant Ægyptii, alibi Mosen adhibuisse legimus.

Cete.

Ceterum, quo afflictionis genere usa fuerit Sarai, non multum laboramus, tacente Sacra Scriptura. Hagar autem vindictam metuens, & ingravescens indies rigidum heræ dominium, fugam iniit, eo fortassis insituto, ut in patriam Aegyptum reverteretur. Ancillæ, per deserta erranti, ac perditæ, gratiose prospexit DEus; nam in gratiam Abrami, totius familiæ, ut alias sœpius, heic curam habuit, angelumque misit, qui iuste licet afflictæ, mœstæ, cogitatibundæ, forsitan etiam precibus ad DEum conversæ, occurreret, eam officii admoneret, utque ad Dominam rediret, hortaretur. Apparet igitur juxta fontem angelus Hagari, eam solatur & erigit, quoque libentius morem gerat, *promissionem* adjicit, de qua heic D. V. paucis nos agere constituimus.

§. III.

Ad tria potissimum capita promissiones Hagari factæ, præeunte Mose, Gen. cap. XVI: v. 10, 11, 12, commodissime revocari possunt. Namque de multiplicatione prolis, per nasciturum filium Jischmaëlem, agitur *primum* v. 10. & 11. Cujus *deinde* v. 12. ut & posterorum, natura moresque describuntur, ac annunciantur, & tandem *tertio*, verbis proxime sequentibus, Jischmaëlitarum sedes, non obscure indigitantur. De singulis distincte, breviter ac perspicue, pro instituti ratione, differere animus est. Quod igitur primo loco, nostræ considerationis etit, multiplicationem seminis in immensum, concernit.

Hac ornatum iri Hagarem pollicetur angelus, non quidem tam ipsius, quam potius Abrami causa, cuius erat, quem tum utero gestabat, fœtus. Prolis multiplicationem ardentissimis suspiriis anxie Abram, Hagar etiam, in afflictione constituta, gravius ingemuerat. Prius exaudiit DEus O. M. idque, filio imponendo nomine Jischmaël, significari præcepit, v. 11. ubi ita loquitur: *vocabisque nomen ejus Jischmaël, eo quod Dominus audierit afflictionem tuam.* Enimvero, quod heic in primis notari meretur, sunt emphaticæ illæ locutiones, quibus ingentem posterorum numerum Hagari promittit DEus, v. 10. *רְבָה אַת־זָעַךְ multiplicando multiplicabo semen tuum.* Nimirum Hebræis frequens admodum est idiotismus, quo verbo finito præmittitur infinitus, ad certiore cognitionem, evidentiam, excellentiam ac magnitudinem rei, de qua agitur, exprimendam. Sic v. gr. Gen. c. II. v. 17. homini prædictum legimus; *moriendo morieris, i. e. certissime morieris, morti eris obnoxius.* It. c. XXXVII v. 33. *discerendo discerptus est Joseph. i. e. crudeliter, vel certo certius discerptus est Joseph.* Similiter proinde, hoc loco, multiplicando multiplicabo semen tuum, valet; *posteros tuos in immensum angebo.* Singularem porro his verbis inesse vim, evincit 2:do collatio capitinis sequentis XVII. & v. 20. Ibi namque Abram repetitur emphatice promissio supra Hagari facta, his verbis; *De Jischmaële autem exaudiri te, ecce benedixi ei, ut fæcundem eum & multiplicem eum, כִּמְלֹא מֶלֶךְ,* in valde, volde, i. e. in numerum

rum immensum. Id namque emphatica repetitio adverbii denotat, sicut & Exod. c. I. 2. & filii Israël fœundi fuerunt, & scaturivere, & multiplicati sunt, & corroborati *valde*, *valde*, i. e. *intensissime*. Cf. Dantz. interpr. p. m. 356. not. ubi & præterea observandum, verba affinis significationis, emphaseos causa, cumulari.

Quod vero in numerum ingentem augeri olim deberet Jischmaëlis progenies, 3:io notanter innuitur, his verbis; cap. XVI: v. 10. *& non numerabitur præ multitudine.* Capite vero XVII: 10. *& ponam eum in gentem magnam.* & c. XXI: 13. *et jam eum, filium ancillæ, ponam in gentem.* Tandem, ne quis de numerosissima prole Jischmaëlitica superesset scrupulus, additur & 4to cap. XVII: v. 20. promissio hæcce שָׁבֵעַ עֶשֶׂר נְשִׁיאָה וּלְרִיךְ — generabit. Horum nomina capite XXV. enumerata legimus, de quibus in sequentibus dabitur pluribus agendi occasio.

§. IV.

His igitur copiosissimam Hagari sobolem annunciat angelus, sed adjungit & mox alterum promissorum caput, Jischmaëlitarum naturam, mores vitæque rationem exhibens. Verba textus authenticæ, quæ huc spectant, & omnino primo considerari merentur, ita habent אָדָם וּרוּךְ בְּכָל כָּל בָּנָי. *Hic erit onager homo: manus ejus contra omnes, & manus omnium, contra eum.* Ad naturam Jischmaëlis, moresque referas, quod אָדָם פְּנָא ap-

pelletur. Cur vero cum onagro conferantur Jischmaëlitæ, patricis investigemus. פָּרָה. Pärä, Hebr. dicitur *onager*, a celeri cursu, quo vulgarem asinum vincit. Radicem deperditam restituunt Chald, פָּרָא, *pera*, *cucurrit*, & Arabum פְּרִיבֵּה, *Feribæ*, *alacer*, *agilis fuit*. Cf. & פָּרַח, Fârih, Ar. *agilis*, *equus*, *mulus*, *veredus* &c. Idem alio nomine עֲרוֹד, *arod*, dicitur, ut volunt a *duritie*, cf. Arab. عَرَدָة, *durus fuit*. It. in II conjug. *fugiit*, *aufugiit*. Bocharto licet & Majo sit hoc nomen ὀρνιθομηνικόν, sicut Lat. *radio*. Quod tamen potius videtur a nomine עֲרוֹד esse formatum. Cursu asinos hos vulgaribus longe præcellere, Zoologi veterum uno ore testantur, apud Bochartum, (a) *Arod*, a *durioribus moribus*, nec incommodo dictus videtur. Est enim בָּוּרֶל Solitarius, OI. VIII: 9. quia in desertis vivere amat. Ita Job. XXIV: v. 5. Ecce onagri in deserto! & Jerem. c. II: 14. *onager assuetus deserto*. Similiter, Jerusalem fiat gaudium onagrorum, i. e. in desertum sit redigenda. Quin & de Nebucadnezare legimus, Dan. V: 21. cum onagris fuit habitatio ejus, i. e. in locis ab hominum consortio remotissimis. (b) Est porro sui *cerebri* & *pertinax*, quorsum alludit Jobus cap. XI: v. 12. & *nullus onagri*, homo *nascatur*. i. e. vir contumax, reddatur mansuetus. cf. Alb. Schultens. ad h. I. unde Arabibus proverbii loco frequentatur *Dgiuhaischu Wahdihi*, *asellus solitudinis suæ*, de contumaci, obstinato, fuique cerebri. Hinc & libertatis amantissimus, non facile domatur. Quorsum alludunt verba Jobi, c. XXXIX: v. 8. *Quis dimisit*

misit onagrum liberum? & vincula asini sylvestris
 quis solvit? & v. 10. ridet tumultum urbis; clamores
 exactoris non audit. Fit igitur, ut onagri in
 locis desertis pabulum quærentes fame sitique cru-
 ciantur, & tantum non deficiant, vid. Job. cap.
 XXXIX: & v. 9, II. Ps. CIV: 10, II. it. Jerem.
 XIV: v. 6. onagri stant in elvis, trahentes ventum,
 tanquam dracones, quia nulla est herba. Et hæc
 quidem præcipua sunt, quæ de onagris, partim Sa-
 cræ Litteræ prædicant, partim memorant naturæ
 consulti. Nec tamen præfracte contendimus, ad o-
 mnia similitudinem esse extendendam, dum onagro
 comparatur Ischmaël. Enimvero, si ob solivagam
 in desertis vivendi rationem, ob celeritatem, animum
 ferum & pertinacem, amorem libertatis &c. Ischmaélis
 progeniem cum onagris conferri dixerimus; non
 longe a vero aberrabimus.

Quemadmodum autem andimus Ischmaélis per-
 tinax, libertatisque amans; ita & inde sequitur, ut
 se ab hostium insultibus strenue defendat, nec non
 hostes interdum adgrediatur intrepide. Hoc ipsum
 his verbis angelus exprimit; יְהוָה בְּכָל וַיַּדְכָּל בָּרוּ ma-
 nus ejus (erit) contra omnes; & manus omnium con-
 tra ipsum. i. e. omnes bello impetet & oppugnabit,
 omnes volet vincere, ideoque vicissim omnes in e-
 um impetum facient, ejusque vim reprimere con-
 buntur.

(a) Hieroz. p. I. L. III. col. 868.

(b) Plura vid. ap. Boch. l. c. col. 870.

§. V.

Tandem, quod tertium erat promissionis caput, sedes posteriorum Hagaris, sequentibus definit ipsi, sub specie angeli, prænuntians futura Deus; **וְעַל־פָנֵי כָל־אֶחָד יִשְׁכַן** Quæ verba ut intelligi rite queant, de sensu particulæ **לְבָבֵךְ** in primis dispiciendum. Hæc quia plures admittit significatus, in diversa abeunt interpretes. Alii nimirum, inter, coram, exponunt hoc sensu: & inter fratres suos habitabit. Id ad amplitudinem seminis Ischmaëlitici refert RASCHI, quod ita late suam sit sobolem propagaturus, ut fines suos extendat in regiones fratribus suorum, scil. filiorum Keturæ, cf. c. XXV. & eas etiam sibi occupaturus, ac eorum regionem, unde & Madianitæ ex filiis Keturæ, Jischmaëlitarum nomine in Lege & Libro Judicium Gen. XXXVII: 28. Jud. VIII: 24. teste ABEN EZRA, venire solent. Accedit, quod Jischmaëlitæ, Madianitæ & Cuschitæ cohabitaverint, si KIMCHIO fides habenda, ad Ps. LXXXVII: 4. verum non communes sedes, sed commune consortium, a potiori illud nomen fecit. Nam Madianitæ non collocantur inter Sur & Chavilam; quippe sedes ipsis prope Moabitas. (c) gentem Cœle-Syriæ. (d) sed Jischmaëlitæ: & tempore Saulis A. malekitæ, (e) qui olim permisi genti Madianiticæ (f) incertum quo tempore, ex Gobelitide hic accesserant. (g) Deinde non bene Jischmaël diceretur hahitasse inter **כָל אֶחָד** si habitasset inter Madianitas tantum, Præter Madianitas namque, plures ipsi erant fratres.

Tandem